

昭代風謠

坤

~ 18
2445
2 世



2445

昭代風謠卷之六

樂善齋

昭代風謠

七言律詩

圓覺寺東上室金守溫徐居正洪允成呼韻時

金悅卿

時習

在座之右

洪裕孫

與勞非穀強賢臧爭似丁刀更善蔽雪裏草衣肌益
軟日中木食腹猶望青山綠水吾家境明月清風孰
主張如寄生涯宜放浪還思名教共天長

七夕

秋盡瑤虛雲漢遙河邊烏鵲自相招牽牛幾日思如
結織布多時恨未消天感最憐離別久雨零應和涕

不即个屋言卷之六
一
淡飄爭歡邂逅論心事怕却金雞促報朝

夜起齧粥

西風吹徹意先驚拓戶見星欲五更作粥始淘新粟
米糝羹仍斫野菘莖盈壻擎手落顏影刺匕入唇開
齒聲分與眼前炊母喫小兒睡起索還鳴

述懷

三十年前氣不禁高山大水喜登臨四方走路入雙
履萬卷古言儲寸心細事豈曾憂樂我閒情惟有短
長吟如今坎壈兼衰老只欲靜居一室深

待風出城

須信他鄉勝故鄉兩兒苦別轉堪傷厭看宮柳添離
恨愁聽角聲挽去腸回首挈山高峯帆送眸溟海曠
微茫行行麗譙隔重阜日帶薄雲照淡裝

行箱紙盡得句不敢寫

三旬傍海阻西風不獨行囊見底通側理已爲烏有
子銀鈎亦作涉無公石虛中處陳玄遠翹秀才前栗
尾封從此情愁臨不得晝晴獨自睡濛濛

發楸子島

朝來初日照船行上下雲消波勢平青嶼縱橫星似
列白鷗飛散雪如零磯頭島杪巖森戟濤面水涯綠

軟菁無定風生催艫役館頭浦口入三更

旌義縣監厚遇有感

旌義邀頭送內還來畱相近待誠寬時分肥肉添羹
鼎間贈嘉魚助饌盤軟脚春中教眩目長腰玉上遣
和顏由基百步穿楊葉早見王庭虜血殷

海島述懷

謫居島嶼瘴雲深鬢邊閒過幾光陰奇花異卉開幽
思麗海佳山入細吟麥飯盛增肌肉減麻衣掩髀雪
霜侵天明日照窮林草更發新芽雨露心

泛海

撐舟離岸晚天晴雲氣東來西去輕廣野已爲微麓
縮高岑漸作細眉橫蒲帆風滿蕉腰裊鯨海波殘鏡
面平聚坐施樓談戲劇是身何謝禦寇行

四韻

乾坤勝景自山河將欲盡觀如遠何澄水佳山觀處
在大江壯嶺遠荒多新豐美酒傾荷藕東土軟截炙
橐駝方寸機關隨世轉昭看人事揣還摩
人頌政平遠邇同蠶桑勤課勸耕農村墟吏影無厓
吠門戶蛛絲有燕通里老巷兒歌舞競耘夫織婦懶
眠空龔黃卓茂彼何者若有遊魂愧熱濃

中秋無月歎示友生

李精

一年光景最今宵
其奈雲陰雨意驕
天柱有情空悵望
廣寒無路可逍遙
羈懷黯黯鄉猶遠
秋思茫茫葉又凋
縱是明年清似舊
浮生何處可招邀

烏江懷古

鄭玉瑞

學敵萬人何所成
紛紛天下八年兵
鴻門宴罷謀臣泣
玉帳歌悲壯士驚
月黑澤中雖不逝
風殘江上櫓無聲
英雄一劍千秋血
化作寒波日夜鳴

對酒招白萬里

鄭致

我也前身過去僧
世間名利視風燈
中心愛矣青從

事何日忘之白大鵬
一斗換州誠小黠
三杯通道是多能
邛山有塚君知否
粉骨生苔無醉朋

送沈游擊惟敬赴日本

尹繼宗

一起兵塵已五秋
將軍今有魯連遊
西京師旅何時解
東土封疆此日收
許國身遙瀛海上
平蠻誓重鴨江頭
煩君用是安邊策
莫作縱橫季子流

得康津崔季立書詩以答之

朴擎南

從軍一譴共耽羅
屈指當時七載過
思夢每隨觀德月
別懷猶在祝融波
至今恩感梁兵相
到老情深崔大哥
北斗南天千萬里
安知各自免干戈

東湖

東文選及箕雅作題奉恩寺

鄭愛男

青蓑一棹濟川湄解纜東風溯上遲孤島落花春去後二陵芳草日斜時仙山勝跡經年夢江寺香燈此夜期
白后東文選及箕雅山作槎江作蕭箕雅惆悵作最是碧窻作曉天殘作明

奉贈崔承旨航海朝天

鄭栢壽

專對兼三簡使才侍臣中擇得兼該十年經幄龍顏近萬里鯨波鷁路催青草瘴時過鹿島黃花開後上燕臺丹墀竣事頒新曆冰泮春江快意廻

桃花

當春得意占芳園晴擁明霞照日溫粧臉為誰長帶笑成蹊何事竟無言潘郎一去空蔽縣崔護重來獨閉門輕薄喜隨流水出漫教漁客認仙源

直廬偶吟

寂寥惟與影同孤懶喜官閒職事無詩句每從欹枕得吏人時為覓茶呼謀身拙已添蛇足縱酒狂將捋虎鬚多病只宜歸去早不才深愧混齊筭

九日書懷

崔奇男

白首西風病起遲黃花佳節漫多思高城暝色雲沈樹一院秋聲雨滿池匣裏希音琴獨在樽前孤憤酒

不暇作履言卷之六
五十一
偏知長安苑囿曾遊地社稷戎衣異昔時

送崔秀夫

大立

赴燕京

江左風流鄴下才悲歌擊劔醉燕臺冥搜大野青徐
潤利涉層濤渤海闢萬里雲煙收碣石三霄日月近
蓬萊自憐籬鷄差池翮無路騫騰出九垓

上澤堂李大學士

南宮纂局夢依然朽質當時特見憐一別雲泥頻甲
子重逢齒髮各衰年君臣社稷風塵際關輔山河涕
淚邊久握文衡推老手浯溪撰頌望吾賢

移家用庾述夫韻

避地湖關歲已賒歸來鬢髮倍添華此身曾是昇平
老故國重逢上苑花自笑差池貧失業不期遷次累
移家新居喜得西隣僻柳韞溪橋水浸沙

秋懷

傷心國事日蕭然板蕩重經壬丙年將士多騎遼北
馬官商互市海東船歷階雄辯思毛遂蹈海高標想
魯連落木西風暮天迥蒼梧愁色鎖秋煙

戲呈黃崗許判官

南應琛

黃崗地僻海西隅遠客殊鄉病未蘇鴈盡霜天書久
斷路迷京洛夢還孤吟窻祗檢新詩軸旅館難逢舊

飲徒月白今宵謀一醉使君能辦勝遊無

直中次鄭丈八音排句韻

金門深處直蘭房石上看松借月光絲拂綠楊春欲
老竹含清露夜添涼匏尊酌酒傳杯數土榻哦詩擊
鉢忙革盡十年塵世染木蓮花下醉仙鄉

謹次使相過安定宿肅寧韻

朔雪朝來霽色澄望中山岳玉稜層寒天曠野人迷
路落日危橋馬啣冰萬里行裝惟一劔三更旅館此
孤燈羈懷欲說誰相會童僕猶能當友朋

寓懷

遠客天涯骨漸稜暮年偏任病侵凌半生活計清於
水千里行裝淡似僧殘夢屢驚窗外雨寸心孤照壁
間燈此身直欲逋塵世九萬層霄駕大鵬

送李子仁赴嶺南

鄭禮男

迢迢一騎向南州此日因君感昔遊三屹山形連鳥
道洛東江水接龍湫天低澤國雲煙重路入炎方瘴
癘稠千里贈言須努力老年分手倍離憂

送朴立之隨東州倅之行

十月千山落葉稠君隨五馬向東州瓊峰遠控金剛
峻石棧斜連鐵嶺脩天外何須訪玄圃人間猶自有

丹丘離杯到手休惆悵此去還應辦壯遊

碧霞潭次秀夫韻

金孝一

袖拂冷風坐石苔松霞滿地絕纖埃相期出世追長
徃肯被移文誚再來桂子飄空疑鷲嶺泉流界道認
天台歸僧晚指林間路杳杳鍾聲隔岸催

黃梅洞

朝別高僧過虎溪白雲紅樹石門西潭澄古竇看魚
樂松老層厓見鶴棲閒斲藥苗臨澗洗靜披詩句掃
巖題文殊近在東林外明月歸時路不迷

次杜詩秋興八首韻

搖落那堪對暮林秋光愁髮共蕭森江聲吼峽寒多
雨日色靈雲晝自陰錦里風煙淹遠迹杜陵松菊寄
歸心何人錯說南州暖萬戶霜前搗練砧

鳥邊危棧入雲斜回首西風望翠華玉帛未全歸禹
貢銀河何處泛張槎殊方歲晏逢歸鴈古戍霜高聽
暮笳無限客懷難作賦老來凋盡筆頭花

萬事輸贏似着碁百年多病正堪悲身隨木偶漂淪
日節屈金神肅殺時鼓角至今聞戰伐荆茅何處托
棲遲君平已去相如歿卜肆琴臺入夢思

西風吹雨過秋山赤葉黃花夕照間彈鋏此時淹楚

戶棄襦何日入秦關詩名未博杯中物勲業空催鏡裏顏時向北窻成遠夢午門仙仗奉鸞班

城上高樓挂夕暉水村煙靄正霏微江風幾送歸帆遠木葉空隨候鴈飛萬里行裝雙鬢短十年兵甲壯心違重陽已迫人猶病社酒初渾蟹正肥

荆楚行歌白盡頭此心非獨爲悲秋干戈久梗三秦路弟妹遙分兩地愁得失試看蕉下鹿浮沉空信水中鷗今朝萬里長風起佇見妖氛豁九州

老來鈿槩竟何功蓬轉東西道路中一劍行裝猶萬里千家砧杵又秋風疎篁近水陰還翠獨樹經霜葉

盡紅湘浦十年孤棹客自慙虛作釣魚翁

江城野樹遠逶迤暝靄蒼蒼接古陂望眼長懸星北極歸心一繫鳥南枝劉禎久作漳濱卧沈約空憐帶孔移胡騎十年關塞月不堪西向淚雙垂

送洽和尚自湖南歸五臺山

崔大立

幾緗鞋穿衲欲斑南遊何處隔年還行程殘暑蟬鳴樹到寺深秋葉滿關遠踏澗聲尋舊逕獨隨雲影禮寒山逢師不得從師去白首紅塵愧未閒

次唐僧靈一韻示重興寺敏上人

一派溪流沙逕回雙排石壁洞門開煙霞晝鎖空王

宅花木春葢大士臺塵世祇教人易老名山不厭我
重來白蓮舊社支公在詩句何妨擊鉢催

蓬萊閣

在登州

縹緲仙樓在半空人間圖畫恐難同欄干十二吟魂
爽世界三千眼力窮簾透夕陽金瑣碎窻搖海影玉
玲瓏明朝笑指朝天路蒲袖泠泠鶴背風

玉河館七夕

禁漏初傳第一籌妍妍新月照簾鈎煙淒碧樹蟬聲
定露濕銀塘藕氣浮天上佳期烏鵲渚人間令節菓
瓜樓鄉園萬里滄波隔此夜離愁白盡頭

奉送曹長淵

年來歧路太堪悲萬里風塵兩鬢絲南國至今歌鳳
德西家自古妬蛾眉濠梁雨歇觀魚夕門巷春深夢
蝶時始信滄洲容傲吏好憑芳杜寄相思

關西途中奉次崔相國韻

行役更逢兵火地傷心那禁鬢毛凋空城日晚狐鳴
堞殘縣人稀雪覆橋秦臘又從愁裏換燕雲長入望
中遙半生書劒成何事幕下還慚厠勝僚

再次

關河西去路迢迢馬上征袍日漸凋白首驅馳難報

國青雲志氣愧題橋城烏移樹邊風急窻燭垂花獨
夜遙不有相公燕許手佳篇誰復慰賓僚

登義州砲樓

萬里行裝歲又窮危樓獨立倚西風衝冠短髮心猶
壯透匣長虹劍自雄百戰山河衰草外孤城鼓角夕
陽中邇來薊北狼煙盛誰擬燕然勒石功

示玉湖子

近來無夢落沙莊城市僑居有草堂浮世久知身是
幻高歌從笑酒爲狂當簷綠樹垂垂影滿沼新荷漠
漠香報道隣翁數相過故人消息半山陽

訪朴氏幽居

十里東城別有村日長門巷斷鶯喧生逢聖代身同
逸宅近青山道獨尊野蝶雙穿花塢靜溪鳧對睡竹
沙暄淹畱不盡招尋意歸路黃昏踏月痕

同龜谷子遊三清洞

金忠烈

松間緩步路縈回却喜煩襟得快開三洞靈光通御
井五城佳氣繞仙臺閒臨曲澗潺湲水細酌流霞漱
灑杯浮世榮華暫時事笑看天際白雲來

次大學士扈 駕渡漢江韻

輦道雲開雨洗塵日華浮動赭袍新沙邊羽騎聯翩

渡江上樓船次第陳
浦路歡聲喧士女
太平和氣叶天人
美哉非獨山河固
扈蹕羣工摠國珍

次姜子衢扶餘懷古韻

路入荒城恨未消
斷雲殘雨過村橋
江聲岳色猶今古
野草汀花幾暮朝
林外暝煙生漠漠
馬前斜日下迢迢
千年往事無人問
淚向西風對泔寥

次龜谷韻

夢作三清綠髮身
羣仙同醉碧桃春
天回閨苑星辰近
地接蓬壺景物新
丹井水容金漱灑
白蓮峰色玉嶙峋
覺來起坐高齋曉
風度疎簾月向人

盆松

李之翰

蟠梢屈榦老虬姿
一節凌寒獨占奇
月檻影移傾蓋小
風簾聲轉引絃遲
花時淡不繁華態
雪裏青疑造化私
徙倚北窻看未厭
欲將孤直托襟期

次鄭後凋茅亭韻

朴尚立

三間草屋懶相宜
名利如今兩棄之
豈效桑公磨鐵硯
應從李遠着枯棋
竹吹爽籟生虛牖
魚戲圓波躍小池
隨意閉門獅子卧
不妨春晝睡魔遲

樊居

朴尚直

樊居今始拂衣還
門似陶潛晝亦關
亂後生涯悲白

首病中詩句愧青山時收芋栗堪餬口自引壺觴且
解顏半世不曾知此味悔將名姓落塵寰

奉呈申監役

石希璞

旅遊京洛計多艱十載風塵但苦顏失路休論名位
薄逢春更覺鬢毛斑浮雲漢北身猶滯芳草湖西夢
屢還駟馬高車何足貴人生萬事不如閒

閒齋病懷

閒齋伏枕寡朋儔小塢陰濃綠樹稠案上清風醒病
骨簷前快雨洗煩愁深嗟俗學隨時異却笑人情逐
勢流緬憶子陵垂釣處滄波無際白鷗浮

巴陵曉行

古渡秋深落葉紛時危人事不須云孤帆暮撼漁亭
月匹馬朝穿檜浦雲萬里山河迷客路十年鄉國隔
塵氛祇今天地堪垂淚悵望西風日欲曛

客中用杜工部秋興韻

一夜繁霜古塞林高秋物候正蕭森風吹畫角孤城
閉日隱危譙萬壑陰去國幾垂王粲淚思鄉偏感溧
陽心天涯節序催蓬鬢旅館那堪聽夕砧

送庾述夫赴燕

崔承太

天下雄關燕北門爾今驅馬歷城墩商姬賣酒衣皆

繡戰士彎弧臂似猿
易水悲風孤劔動
金臺衰草暮鴉翻
淒涼庾信江南賦
故國興亡莫再論

寂滅庵

蔓草離離舊道場
春來空有雨花香
陰墻梵宇含苔綠
老檜龍身拂霧長
往迹無人窺法相
此生何計上慈航
窮途舉目迷歸處
日暮山風吹滿裳

與諸友遊三清洞用唐詩韻

靈區盡日步山衢
澗水泠泠翠壁隅
松偃十尋青羽蓋
岳蹲千古玉香爐
晴雲影落題詩石
綠樹涼添泛酒壺
須倩虎頭傳勝事
風流不讓竹林圖

遊奉先寺

古寺尋來度幾溪
雨餘煙靄望中迷
臨階下馬鍾初動
倚樹看山日欲低
金碧煥簷蓮座淨
袈裟說法梵音齊
白頭媿我風塵客
謗愛雲林未定棲

寄庾述夫

邊柳青青積雪消
詞人正耐醉嬌嬈
新翻樂府文章好
縱獵春城意氣饒
遙羨遠遊無束縛
獨憐窮巷任蕭條
平生我亦思投筆
時向西天撫寶刀

詠史

鄭希僑

運去岐周鳳鳥飛
六雄牛後入秦威
兵戈觸火金人

出宮闕磨雲石柳稀萬里築城龍虎起三山採藥鮑
魚歸傳才二世天亡促未信嶠函作帝畿

與成國老諸人遊終南東谷

朴孝先

一筇隨意歷春蕪松下披襟坐石隅映日澗芳紛自
馥弄晴林鳥款相呼山歌唱罷花簪帽村酒沽來草
塞壺世事悠悠何足道樽前爛醉是良圖

次題寧遠衛祖大壽牌樓

庾績洪

受鉞他時異數存全遼盡屬大軍門勲庸家世三爲
督罪戾丘山百不原生入實慚班定遠歿歸何說趙
公孫天書未滅黃金字寂寞前朝國士恩

永平途中次李察訪韻

地連窮髮浩無濱馬上長瞻析木津北海看羊曾嚼
雪西山採蕨尚畱春至今甚逆中原氣嗟爾胡來遠
道人珍重督郵沿路作一吟聊足慰艱辛

送崔子紹赴燕

知君不憚道途脩載筆燕山亦壯遊此日小滕同事
楚當時季札異觀周臨關試問悲歌士出塞誰爲定
遠侯堪笑老夫長病蟄贈行猶有一吳鉤

哀金將軍用菊潭韻

旣歿猶堅在握弓怒瞋如活想精忠真能勇冠三軍

士耻作生降兩摠戎古塞獨畱歸後月陰山不斷戰
時風至今行旅河邊路共說當年柳下雄

贈別士春

京國春寒雪未晴故人千里若爲行柳黃灞上歸時
恨草綠湖南去後情冀北元來多駿骨河陽只自取
溫生疎慵半世身猶賤莫向紅蓮道姓名

與洪道長遊白川江西寺

林俊元

江上招提境自幽故人携手更登樓團圓勝地真堪
賞漂泊他鄉不是愁禪梵夜飄千嶂雪棹歌時起一
漁舟湖山信美還惆悵計日歸程未可畱

宿道長溪亭

松間虛閣夜涼生星月微明雨乍晴幽趣肯違林下
約風情也似剡中行衣巾半濕山雲氣笑語相和澗
水聲仙籙一床無外物君家元自住三清

海州南門樓

徐俊翼

西風蕭瑟碧城頭暇日來登第一樓雲樹遠分平野
色海門深納百川流元戎幕府渾無事騷客清秋剩
有愁十載讀書成底業壯心空自撫吳鉤

奉次銀臺韻

李得元

雪罷宮城霽景開鑾輿初幸望春臺瑤池嫩色分新

柳玉砌寒香動早梅仙樂喜聞簫鼓振瑞禽還觀鳳
凰來微臣亦在恩波裏願以南山作壽杯

清明日完山次雪蕉贈別韻

飄蓬身世轉支離窮路由來事事疑客裏不堪寒食
節花前還憶故人詩家鄉物色憑孤夢湖塞雲山隔
好期獨倚旅窗徒極目江天落日下遲遲

過忠烈廟有感

偶逐旌麾此地行至今遺廟凜精靈威名尚遣蠻夷
懼功烈應垂簡策明南海城頭雲漠漠露梁河畔草
青青溟流不盡英雄恨長送波濤日夜聲

哭龜谷道人

山河精氣錦為腸甲子人間八十強黃鶴詩傳人膾
炙青牛氣去道微茫塵生玉笈叅同契火絕丹爐九
轉方皎皎清姿那復見惟餘夜月照空樑

詠懷示春谷雪蕉二友

如何大笑復嗟咨自是非狂亦近癡萬駟惟知身外
物千詩未救腹中飢青山不改長春色明月依然太
古姿安得一丘同結社好隨麋鹿送生涯

閒居卽事

庭除蕭灑樹陰連一室寥寥斷俗緣身似維摩常抱

病迹殊元亮未歸田爐薰乍歇青煙細山雨初收霽
色鮮隱几翛然下幽幔閒雲倦鳥夕陽邊

次重興寺韻

嚴義吉

紅暎照破雨餘嵐金殿玲瓏秀色含風鐸寒聲驚客
睡月林清影入僧談仙源領略峰千萬佛榻淹留日
二三山暎古樓秋更好坐看楓葉染霜酣

上高靈具使君

卓柱漢

罪戾如山萬歎輕遠投南裔賴時明孤燈小店淒涼
宿倦馬長途寂寞行何謂使君多好意故將杯酒慰
羈情殘生報答應無路感戀空深結草誠

夜懷

月隱江城鼓角殘百憂侵睡不曾安獨彈流水琴聲
怨暫拔衝星劍氣寒澤畔形容吾已老天涯霜雪歲
將闌家人得酒聊相慰倚醉長歌蜀道難

金溝次温生韻

高後允

鳳城千里遠來尋處處梅花間竹林客子思家偏白
髮使君憂國只丹心訟庭日晏無人到官樹春晴有
鳥吟見說邑民皆願借甘棠恩愛六年深

悲秋

在南關時

安慎徽

孤懷僚慄又逢秋坐覺光陰似箭流客裏細斟工部

酒天涯獨上仲宣樓霜鴻叫罷三更夢塞月空添兩
地愁白首遠遊多感慨悲歌窮海路悠悠

驪江

金富賢

驪江物色問如何勝地春來興更多詩句清心樓上
得棹歌神勒寺前過平沙兩岸飛飛鷺芳草長汀杳
杳波十載紅塵堪一濯願從漁子去披蓑

東湖韓家亭

捲地長波入檻流炎天爽氣坐如秋孤村杳杳煙生
樹雙鷺飛飛雨蒲洲草散千蹄沙苑馬風懸一帆廣
陵舟世間名利非吾事願把漁竿送白頭

七月十五日夜會天官閣玩月

桂樹團團玉露凋天光夜色共迢迢樓臺倒掛銀河
影城闕低回北斗杓紅燭飛傳鸚鵡勺碧雲吹送鳳
凰簫元規不淺南樓興持比今宵且寂寥

曹溪步虛閣

樓臨絕壑挹飛湍王子吹簫舊凭欄白鶴遠歸玄圃
外玉峰高插彩雲端苔深石逕樵來過霜染楓林客
到看仙界亦經桑海變眼前遺跡弔巖巒

湖堂

嫋嫋風來得夜晴高樓片月有餘清岸邊柳護孤舟

宿村際波搖一火明鷗鷺不忘前日約湖山更寄暮
年情無眠坐聽潺湲水可耐明朝向洛城

書懷

忽忽流光共水流峽中孤客不勝愁村邊雨過孤城
夕縣裏蟬鳴碧樹秋末路人情雲逐手暮年身事雪
盈頭桑蓬壯志今虛負漫浪空成遠地遊

別後

亂山深處卧衰翁悄悄吟詩意不窮送客今朝歸去
後閉門終日寂寥中荒村積雪埋幽逕古樹棲鴉避
晚風賴有隣僧來問我強將談話與相同

寄洛中舊遊諸友

崔廷憲

書生愧乏幕賓才何事天涯久未迴豆蒲江邊驚歲
暮鬼門關外少人來百年壯志頻看劔千里歸心獨
上臺洛社舊遊猶不忘夢中時把菊花杯

客中月夜

安弘齡

駸駸節序客中闌悄悄孤懷不自寬明月政當今夜
最清樽安得故人歡銀河萬里秋光淨玉露三更海
色寒雲外一聲何處鴈碧天回首思漫漫

次成伯圭韻

洪世泰

嚴程不憚涉危艱一葦行穿上下關脚踏鄒生談外

地眼看秦帝夢中山漫空海色環孤島近浦人煙帶
百蠻此去應須三萬里仙槎直拂斗牛還

詠懷古跡

沁口山川似石頭登臨一望使人愁風煙夕暗昇天
堡鼓角秋悲鎮海樓自有雄都稱四塞誰將往事問
東流邇來水路波濤穩多少西南賈客舟

凝清閣賦得壺字

樓上花枝近玉壺樓前春水浴雙鳧雲深峽氣交晴
雨日隱洲光半有無賓主不慙滕閣會山川真作會
稽圖扁舟夜下長灘去江月橫空鐵笛高

渡江

積雨長江江水平扁舟曉發趁新晴中流日出魚龍
動兩岸人喧牛馬行霧樹參差無定色風帆超忽不
論程從茲便欲浮于海萬里滄波一濯纓

清平寺

清平古寺鎮山門真樂公亡佛法存峰盡忽然開覺
路水窮方得到真源殘碑半蝕莓苔字老檜全摧霹
靂根夜久禪窻畱客坐一燈明滅照無言

送洪君則之驪江

廣陵春水引孤舟三月烟花滿上頭峽拆岸回為斗

尾江清野濶是驪州東臺白塔遙知寺北渚青山盡
向樓君去風光正如許當時我亦此中游

出門

一春閉戶愁兼病寒食清明空物華今日偶追少年
子出門始見辛夷花鳴鳩隔樹在何處飛燕入簾知
故家欲使風光不笑我應從醉裏作生涯

大興寺

盤回磴道歷千重古寺登樓已暮鍾衆水合來爲大
壑片雲生處是何峰殘碑尚記前朝事落葉渾埋過
客蹤明日行臨朴淵上欲將興廢問神龍

統軍亭

萬古傷心百尺樓蕭條沙塞眺高秋山河氣鬱常如
怒堞壘形危盡欲愁旗捲朔風來大漠角吹孤月下
涼州明朝更有分離恨直到中江始放舟

赤壁圖

赤壁磯頭天疾風南船火發北船紅操權勝敗聞猶
快吳楚江山畫亦雄百戰歸來惟逝水三分事業一
漁翁蘇家筆力誰能敵兒戲千秋眼底空

望南漢山城有感

吾東有此漢南城蹈海令人不欲生弱國但馳冬至

使平時何用夜操兵天陰草木三秋死地險山河萬
古橫北極 帝壇新義起小民猶得識 皇明

送鄭郎中赴燕

燕歌此別髮衝冠莫道關山行路難飲馬有河千帳
合棲鳥無樹八陵寒遺民不復中興頌屬國猶爲大
報壇虜象至今天欲醒旄頭何似昔年看

遣興

簷雨燒香坐讀書不知生草滿庭除煩心忽得清涼
味陋巷還成廣大居倚杖立當山出處隱囊眠到鳥
鳴餘兒童拍手來相報十丈街泥又覆車

小峰臺

壓海危臺餘百尋雲根倒插碧波深魚龍暗抱孤峰
影風雨淒生衆木音此地無人曾賦詠千秋待我一
登臨蓬萊欲到知何路目斷雲濤萬里心

送李重叔充製述官往日本

樽前握手卽天涯此去東溟萬里槎列島盡閱蠻子
窟三山或見羽人家鯨鯢帖息承 王命星斗低回
避國華最好殊方傳美事爭言上价是侯芭

感懷

隱几柴門秋葉深閒來聊復玉壺吟途窮尚負崢嶸

氣歲暮頻驚寂寞心卧聽百蟲喧四壁起看孤月在
西林幽懷不欲論羲易天地微陽又變陰

秋園

秋園物色日蕭條獨有寒花尚未凋老子閉門山寂
寂羣蟲入窟夜迢迢閒居每惜光陰去病起還憐志
氣消愧把奏文酬祿食中原非復 大明朝

送鄭惠卿往日本

此去扶桑大壑東孤帆上拂日輪紅曾聞漢使從天
上卽見蠻王坐島中瘴海風濤何日息讐庭玉帛至
今通君能用筆如霜戟一掃殊邦亦戰功

初度日小酌吟示李景叔

壽祺善醫術向余
病危服其藥得瘳

一病回生不自期微君吾得此舍卮七旬更作懸弧
賀八蜡仍聽擊鼓嬉短日當山猶且駐寒梅傍雪故
相欺世間萬事難開口酒重歌長坐莫辭

把酒卽事

短景駸駸有底催六龍無力且徘徊浮雲故欲將寒
結宿鳥多爭及暝迴十月窮陰天亦變三年一病鬼
何猜殘生所賴惟春酒暗覺陽和入骨來

漫興

高閣深深夏氣清雲流雨去日微明閉門寂寞青山

近隱几蕭條芳草生夢裏不知爲化蝶酒醒何處有
啼鶯林風夕起吹雙袂矯首晴天緩步行

獨夜

獨夜徘徊月在山海天愁思杳茫間扁舟地有煙波
濶孤島人兼鳥獸閒把釣欲尋龍伯去鳴琴且待水
仙還漁郎濁酒歌相勸春氣無端上客顏

燈夕

西來瑞氣雪山長此夜千燈向法王萬戶樓臺深隱
影九霄星月爛交光仰看綠樹風皆動前有金樽酒
復香老子學人聊復爾杏壇高處卧平床

塞上

石萬載

漠漠雲天夜色徂寥寥戍館角聲孤
羈鴻叫月霜初落征馬嘶風草欲枯
十載腥塵猶暗塞滿朝時議只全軀
平生恨不探胡窟却把龍刀碎玉壺

快哉亭

暇日携筇陟彼巔一春風物望依然
陰山北接單于塞渤海東傾鬱島天
野樹落花紅作雨官橋垂柳綠如煙
絃歌莫道能消遣客恨還教曲裏牽

寧越錦江亭

仙區誰創此新亭東峽從來擅勝名
一派江流明似

鏡千重岳色翠成屏
漁舟帶雨依平渚
沙鷺隨風下
晚汀乍倚危欄
星斗近飄然
身若御泠泠

舍人巖

一洞桑麻是武陵
超然杖策此來登
亭臨勝地花猶在
巖帶佳名水亦澄
好鳥頻啼芳樹裏
閒雲低度玉峰層
自嗟半世牽塵累
咫尺仙區見未曾

客中次杜工部秋興韻

京洛雲山萬疊斜
客中疎髮已生華
青油此日同秦贅
碧海何年返漢槎
殘夢暗驚秋峽雨
旅魂頻散戍樓笳
孤鴻不解愁人意
叫盡霜風下荻花

題友人別墅

山居瀟灑隔塵喧
隨意琴書坐一軒
暖愛小桃初結子
晴看脩竹稍生孫
浮榮等視南柯夢
好事長留北海尊
醉向蒲團成午睡
不知風雨到黃昏

秋夜懷洛下諸友

慎惟明

愁懷如水苦漫漫
不寐松窗夜已闌
洛社故人空夢想
廣陵新月又秋團
揣摩無賴蘇生困
潦倒誰憐范叔寒
一鴈吳洲歸未得
江雲渭樹杳天端

春日田家

林尚茨

洞府深深別有天
桑畦麥壠共依然
山禽掠圃將雛

過野犢當林傍母眠鬪草兒童隨暖日卜蛙田父望
豐年雞鳴犬吠村南北嫩綠陰中起午煙

有事往羅州

戊寅

短鞭行李滯南鄉旅枕初驚九月霜千里客程蘆嶺
遠半江風浪錦城長煙沈竹野荒村小月上鈴軒畫
角涼回首不堪歸思苦數聲征鴈使人傷

青塚

玉貌當年畫失真黃沙埋沒漢宮人香心應變荒原
草斷壠空畱故國春造物豈能私雨露精靈應不落
胡塵天邊尚掛長門月幽怨千秋夜夜新

次巷東挹清樓韻

任璜

聞道丈人能散愁百年天地有風流蒹葭繫馬沙如
雪江漢停杯水滿樓倉底早開爭米市村邊晚泊載
樵舟愧我低回不歸去風塵一夢狎羣鷗

寓懷

朴東杞

節序奔流白髮侵北風蕭瑟動霜林年來轉切歸田
興老去全無供世心自是危途難着是非關薄俗少
知音孤懷悄悄終宵坐半壁寒燈影欲沉

幽居卽事

崔世欽

興來撚盡短長髯揮灑新詩信筆尖萬戶砧聲風外

昭代風謠卷之六
急小塘秋氣雨餘添青山不語常延座明月無猜直
入簾高卧北窗清致足世間名利肯要兼

送人之關西

十一
歲作

金重鎮

遊子飄然行遠途雲山迢遞接江湖門前嘶馬欲何
去樹杪繁星看漸無尚憶良宵同玩月那堪他日獨
傾壺西征定有新詞賦須寄騷壇舊飲徒

昭代風謠卷之六

昭代風謠卷之七

五言古詩

擬左思招隱詩

崔奇男

川龜宅重淵澤雉巢深藪雕籠誠可美巾笥信非醜
自在不斲畜難以外物誘懿彼中谷士雲卧揮塵垢
薜荔作裙帔芝朮充糧糗枯槁伏堪巖幽獨依林莽
履滿天所損守素無愆咎翹思慕若人日夕長矯首
人生等糞菌榮耀那能久願言黜聰明永與山木壽

閒中感興

盈尺葦門內坐卧無不足氣和天宇澄曠背迎新旭

矯首睇遙岑流雲入遐矚雪消澗始流溪禽喧且浴
斂襟起閒謔感吾無羈束營已稱其用知止寡殆辱

秋日

冉冉星紀移寒暑日催迫哀蟬號樹間促織鳴虛壁
羣物替豐悴萬化相尋繹憑軒發謳吟風雨暖脩陌
今歲亦已矣憂來不可釋

真觀寺

蓮岳聳且森祇園敞而顯風泉奏虛響雨葉垂凝泫
飛橋跨絕澗危構架重峴容裔倚虛空顧瞻凌遐緬
巖歆桂矯蹇石礙溪回轉跬步慕脩邁塵區悲窄淺

營已昧勇進屏迹從懦卷禪林謁梵筵金篋刮昏眼
叶理物無違拔累心自展了悟前後際孰將真妄辨

遣興用陶潛韻

春去夏將至樹木始展陰虛室白日淨閒靖祛煩襟
情塵割耳界奚事假鳴琴游神詣邃古不知身在今
豐約自有分區區匪余欽茅茨足庇身井泉清可斟
不知鳥鳴處時時聞好音卧起無束縛任真忘冠簪
不問門前客宴居幽意深

讀陶靖節詩

吾愛陶元亮脫落違世務有酒輒成醉所樂在田圃

豈不寒與餒耿介懷貞度文章頗夷曠足以見平素
所嗟生苦晚異代不相遇已矣無此士有懷將焉訴

題玉湖

金忠烈書屋

長公善自養黔婁能守道寢迹寄窮巷韜光秉素抱
處世貴無名浮華諒難保詩書塞座隅坐卧無昏早
明月鑑虛牖清風灑庭草寄傲恣歡悞冲襟祛煩惱
微尚亦頗同交娛永以好時時作文會疑義相與討
世塗與我異趣舍逐涼燠

移居用陶靖節韻

獨坐眄庭柯興來輒題詩一室聊自娛於焉坐卧之

形神久已化灑脫揮塵思神奇與腐臭彼此各一時
鳥飛花自落真樂良在茲閉門守我愚羣咻任他欺

種菊

種菊窻前地聚土築瓦石拔草勤護養枝葉日繁碩
家人笑我拙我心終不易賞物意有取臨風挹馨德
常恐雨雪早衆草同搖落卽此足幽玩不待東籬摘

古塞行

南應琛

行行古塞上間關千里客長天入杳茫峽路連碣石
空林走狐兔廢城喧烏鵲人煙久斷絕江山何寂寞
沙場露白骨嶺頭陰雲積暮投巖下宿淒涼山月黑

醉吟

我有一古劍又有三尺琴
燕雲未唾手匣裏蛟龍吟
鍾期既已沒千古少知音
長嘯宇宙間孤負百年心
與諸友北麓避暑

鄭禮男

仲夏倦脩景端居少所宜
步入北山下景物幽而奇
長松落繁陰好風時時吹
良儔幸獲偕談笑清心脾
歡言發新醅盤豆羅園葵
行杯不用巡手自斟酌之
茲會良未易不樂復何爲

晚次驪江

金孝一

極目煙水合靄然寒江暮
潮聲雜漁笛暝色生汀樹

沙鷗有閒意帶月時來去
滄波無限思候鴈今南渡
秋風颯鬢毛望鄉心悽楚

宿臨津村

崔大立

暮投臨津村村叟容我宿
問叟年幾何今年七十六
荆妻亦同年白髮垂兩肩
大兒種水畝小兒鋤山田
阿孫餘六七爭收芋與栗
老身別無營垂釣鷗鷺汀
客來堪一飽炊秔白魚羹
我聞此叟言無限幽趣存
軒輶雖自貴未免心憂煩
誰能此叟如沒齒樂只且
我久厭城市他年卜隣居

碧霞潭洞

太華標神臯三峰峻天闕中有千年洞窅窅絕俗轍
鮮霞蔚林端丹溜瀉巖穴冥賞豈偶愜余生志幽逸
捫蘿接狖懸架木凌澗絕飛翠浴巾袖天風梳毛髮
有客雲爲裝翩翩下巖嶼粲然揖余笑無乃舊姓葛
道余營丹砂出書授真訣浮世良難常空華信易滅
纍纍北邙墳松楸何蕭瑟願言携手歸長向三茅謁

夜坐用柳子厚韻

金忠烈

夜深倚虛牖明月生東園繁露滴梧葉暗泉鳴石根
山空天宇迥羣物悄無喧心與境俱靜兀然已忘言

次孟浩然月下懷韻

秋露白如玉玲瓏桂花濕明月掛晴空流光窻戶入
林間宿鳥驚石上寒泉急懷君不可見獨步清宵立

遣興

石希璞

有酒吾自斟有詩吾自吟邈矣天地間誰人知此心
散髮發大笑坐聽松風琴

古意

幽蘭生中谷當春發馨香枝葉一何茂紉之爲佩纒
歲月忽云徂坐看飛秋霜靈均已遠何人識孤芳
對此一長歎有淚沾衣裳

客中有懷

客裏逢佳節登樓消我魂那堪塞月夜復聽江上猿
美人隔南國悵望空悠悠孤雲亦何意迢遞山外浮

漂商行

崔承太

可憐漂海商九十有五人自言泉漳客生少居海濱
每憤中土裂天步方艱屯販貨充軍儲徇國不爲貧
五月辭鄉土遙向日東垠張帆拂煙瘴換柁凌波臣
層颿激陽俟驚濤噴嶙峋日月蕩洶湧天地入渾淪
危命寄一葉萬歿喪我神浮沉到此境永擬歸鄉隣
豈料免鯨鯢復入犬羊倫昔日歿爲懼今日生苦辛
蹈海悔不歿苟活耻帝秦人生抵險艱懷抱向誰陳

故鄉隔雲海舉目無六親北風吹朔雪流淚濕行塵
聞此感我心髮立衝冠巾 皇朝三百年四海同王
春孰非吾兄弟癢痲皆切身况當歿生際豈可徒嘖
呻雖非我殺汝計拙活窮鱗上負 神宗恩下忘經
理仁穹碑不再讀愧汗發顏新

次金甥

富賢

武溪洞韻

嵩華天上出武陵塵外闢清境豈云遠魂夢勞永夕
追涼昔登攀彷彿接仙客溪風入巾烏山雨洗崖壁
天籟激水石奔轟動虛寂赤脚踏煙虹飛灑清骨脉
巖潭想行迹幽鳥坐苔碧抽毫和新詩愧我纏形役

擬古用李白韻二首

鄭希僑

紂為遁逃主瓊室與瑤臺自作孽不活天遣人牧來
牧野爭倒戈寶玉火飛埃三仁不見用可惜經綸才
禾黍滿古墟麋鹿空徘徊

少年遊俠子住近長安陌朝遊七貴門暮過五侯宅
聖賢多懷玉被褐無輝赫名利不以疚威武不以惕
日溷是隨夷日廉是躑躅

醉後口號用李白韻

庾纘洪

漢水作酒池快若長鯨飲然後吾事畢歿去即甘寢
君看浮世上萬事邯鄲枕

觀乞者有感

李得元

客有化糧者今朝叩我關自言遠方來行乞京洛間
流離已淹歲長歌行路難聞之為感歎哀爾多飢顏
余亦苦貧士甌中無遺粒朝夕不自給奚以救汝急
欲發大倉粟特為飢者食傍人笑我愚不知我心惻

短劍篇

我有三尺劍風胡鍊其斤藏之白玉匣飾以黃金環
精光吐虹霓直上星斗間夜掛老龍吼晝撫白日寒
雷雨忽奔騰鬼神號空山持此竟何用吾欲獻天關
天關邈且阻中道空盤桓有願不可遂喟然興永歎

和士瞻寄韻

離人苦夜永不寐憂思長蕭蕭雲外鴈切切床下螢
有弟在漢京寄我雲錦章字字見相憶感激心自傷
中宵發悲咤佇立心茫茫明月鑑虛帷涼風吹單裳
奮越安可得路隔千重岡願言化飛翼一夕遊君傍

種菊

端居罕人事種菊手自爲豈無他可植愛爾傲霜姿
伊昔陶徵君取樂於東籬賢愚不相及所尚頗同之
旣種復眷眄此心人莫知蕭蕭草木變烈烈風霜時
幽香抱綠葉金蕊盈寒枝嗅以薰我心餐以療我飢

栽培敢言勞歲晏良有期徘徊撫孤叢因吟采菊詩

贈別朴三山歸湖西

猗猗谷中蘭郁郁抱幽香懿彼三山子毛骨真鳳凰
平生慕賢哲所尚古文章蹉跎不得意懷寶遊遠方
萍水幸相遇繾綣情未央荆璞蘊奇質誰能卜其良
停觴撫爾背激烈悲歌長山岳歛寒翠海水爲之揚
命駕將安適長嘯歸湖鄉天時屬流金曜靈赫林岡
嶺路脩且峻矧復君馬黃願言毋摧志隨處安行藏
余亦倦游者臨歧心內傷

秋夜有懷

金富賢

新秋既望後清夜稍已長是時積雨霽庭宇有餘涼
明月從東來流光入我床竹風敲清響蘭露濕幽香
願見如玉人共此流霞觴佳期坐寥濶使我心內傷
憑欄悄不寐草間啼寒蠶

廣陵道中

洪世泰

去家十里地便作千里思千里自茲始征馬亦不遲
終南昨在眼今已不見之連山際平野鬱鬱何纍纍
首春雪未盡雲物藹有姿原蕪青欲芽野馬團相吹
大江橫我前日融流斷斯關關雙雉鳩容裔在河湄
我行方未已忽忽中自悲

遣興二首

天地何其大我生何其眇方寸周萬物稱心良獨少
乃甘守雌伏稍已去膠擾冲襟抱虛白眇默契衆妙
古今莽浩蕩醉夢俱未曉浮雲向南飛狹彼雲中鳥
願以千里心寄之寥天表
瓠生野田中瓠葉何離離黃鵠厲羽翼千里一高飛
丈夫有遠志小儒安可爲高步出閭闔駕我四牡馳
蘭臯騁脩軫天路遠如期舉足蹈瑤光左攀弱木枝
羲和勿遽迫照我芙蓉衣

昨日

昨日別離處今朝見行迹馬嘶如可聞千里起咫尺
江南有春草嗟爾遠遊客

恕菴與諸賢遊西湖月波亭聯句蓋其押韻甚
險而用意益巧力勢相敵俱傑作也顧余不揆
老拙乃敢次韻東家效嘖之謂固所難免而馮
婦下車之習聊以自笑云

客有乘月亭聯句鬪雄瞻憑危吐奇氣履險張壯念
直縱起塵轡高倚决雲劔振衣栗島竦濯纓清漢灑
山出突為舳峴遮橫作轡乾倪霽始呈水維霖不歛
舟輿八方湊魚鱉萬室饜海客狎鷗閒堤女學花艷

舉網跳得雋傾榼漉有醞一寫心則快恒注目未厭
峭帆風腹飽孤鳥日背閃雲疲走驅使波竭倒濡染
歛思攀帝車狂欲跨天塹勁鋒誰得最巉骨不受砭
漻乎憂金奏瑩然絕圭玷千言入炙轂萬象輸懷槩
圓機陋滯隅大觀嗤守弁濟勝敢後至蒐奇競先占
草行知接武沙坐想齊檐迎人樹朋來入戶峰敵覘
野暄多游馬村靜有卧獫濠樂不難知川歎斯可驗
風流踵先輩華構視郵店廣陵問濤氣牛渚驚犀焰
和鳴即為善一讀便已疢鯤岑代有興蠶嶺追非忝
方知耳目富庶無毫髮欠屠龍固云充續貂無乃僭

既衰才且退惟直氣不歎焉得躡飛梯高處着老俺

十月十六日夜大風而雪

疾風渡海來掀簸一山谷海水爲之蕩何況爾白屋
漂搖若鳥巢窳窳鳴四角客心何栗烈猛勢不可觸
中夜潛伏枕直愁翻地軸天寒兼雨雪浩膠彌川陸
雖云助颺虐且喜消瘴毒平沙風稍息餘怒在山木
千林鳥獸窮小村煙火寂田翁念租期水路折牛足
少年索弓箭獨自出射鹿

晨行園中遣興

晨起涉中園草深露溼溼林風一蕭散煩暑覺已去

宿鳥猶在樹孤蛩深自語幽懷易爲感秋意遽如許
歲暮亦何悲志士同寒女

忽憶

忽憶水色村茅屋近江渚借宿主人翁漂泊忍羈旅
愁時出行野秋色老禾黍垂垂山菊花夕露皓已溼
歸固青燈底落木響砧杵滄波動我側鴈鷺亦呼侶
悽然去鄉思家室靡遑處猶喜兩弟携破涕爲笑語
高歌一杯酒坐覺百憂去最感老媪惠有求曾不拒
厚意不可忘千金竟漫許別來三十載川陸莽脩阻
凶年易流亡不知猶舊所迢迢若在眼往事同在莒

昭代風謠卷之七
十一
老懷感霜天中夜起延佇

採蓮曲

申命羲

歸潮風正急畫舸入芰荷塞北鴈書少江南蓮子多
爲問橫塘侶佳期近若何

偶吟次陶詩韻

成厚績

玩物元喪志縱慾益蕩情人當盡人道豈可趨利名
余於天地間期不欲虛生悠悠遂至今思之中心驚
力行斯爲貴徒言復何成先儒垂訓戒昭昭載遺經
吾當只孜孜焚膏以繼明

昭代風謠卷之七

昭代風謠卷之八

七言古詩

入楸子島

洪裕孫

一島南涯與北涯純巖萬仞圍如削千年不長立矮
松兩眼未經啼怪雀石竇哈呀瓮口如波頭出入人
聲若執枝頰視足心痒落影陸離龍必愕

又

青草細長衆壑平徧山林淺竹陰清折腰拄杖行幽
邃矯手扶蔓賞蕤榮最上炎峰登眺望極邊露島列
縱橫微茫碧海大於天上下難分迷後前

昭代風謠卷之八

十一

沙苑牧馬圖

日高卓午風寒幄咫尺壁間沙苑長四州八方四百里誰負中宵移置忙疑定瞪視後乃悟出諸毛錐陳玄粧汧渭合流終南下平波澄綠何滄茫沙如淨洗細如篩草若密織芬若香隨胡追風放其中十隊百屯千羣行驥首揮尾布原隰四十萬匹雲錦張駉起人立而鵠厲蹠嚙奔突爭騰揚鬣草驕嘶嗅洩仰慕侶顧號追相將鳳臆龍脊煙霧鬣竒姿逸態鶴翱翔蘭筋鐵骨盡龍種斜陽返照風驄光大僕監牧時剪刷供奉帝閑馴且良至尊臨觀東郊遠八娥騎走樂

未央三千娉婷亦扈從金羈玉勒雕鞍煌軟紅塵高日華暖都人咸覩脩康莊漁陽塵欲鳳城接馬亦不獻胡語狂八駿西幸襪價重啣杯舞馬難登床盤礴苦心畫幾日容視後人含悲傷

秋夜吟得寄雲谷

三五七言

鄭栢壽

秋宵永秋月明露重蛩聲濕天寒鴈陣驚徘徊不寐吟詩苦湖海經年怨別情

四時詞奩體 春

崔竒男

暖靄撲簾日初永暗黃着柳深院靜象床滑膩錦屏低越羅纖薄珠璫冷南園露泣鬱金芽小塢香老辛

夷花嬌慵易得芳時恨閒却春風油壁車

夏

落蒂枯香碎如搗吳蠶作繭秦桑老湘簟皺紋織淚
花寶猊吐燄飄龍腦倦繡鴛鴦午睡酣粉汗輕輕漬
碧衫回廊曲檻柳陰靜嬌燕踏鈎窺彩簾

秋

水澁銅壺銀漏永碧塘愁粉芙蓉冷叢篁悲戛帝子
絃翠梧新瘦鸞鳳影簾外玉霜逼繡幃燭前金斗熨
羅衣憂來細步西廂下南鴈雙雙月裏飛

冬

碧鴛鴦瓦雪花落寒生寶帳銷金薄薰爐添麝掩銀
屏鳳裾鸞珮冷難着蘭缸灼爍照孤嘖錦瑟凄凉封
素塵巴牋滿幅相思字遙憶秦樓吹管人

次李商隱詩

玉輪軋露桂花濕新寒乍透紗厨入冰簟却收換薰
籠金風颯杳秋聲急團扇奪恩少顏色紅燭迸淚凝
嬌怨無情脉脉似有情小塘涼雨愁紅淺輕羅舞袖
罷陽春寶帳淒涼圍錦茵星斗闌干夜未央鸚鵡訴
寒啼向人雙管吹出江南弄嬌喉澁斷翻恨重香塵
暗消洛浦襪雲雨難成巫峽夢緘辭剪下機中素弱

水蓬山知何處朝來掩泣鸞鏡底一半容光不如故

醉時歌贈金而彥忠烈

今夕何夕不可孤故人邀我置清醕脫帽露頂騁雄辯相與謔浪爲歡娛孺人手自具盤餐燈燭輝煌張熾爐憐君蕭灑美少年聲價早抱滄海珠風雅孤騫薄穹昊神傾意豁容疎迆促膝連飲累十觴醉揮如意擊玉壺夜色沈沈雨如塵春光暖泛紅氍毹悠然縱浪大化中激烈長歌笑矣乎歛迹何嫌蟄窮廬出門隨處多畏途榮枯倚伏固難常萬事不如吾醉呼

挽曹生員以楨

鄭禮男

顏回無命鄧無兒茫茫何處問天道自君之去今幾日兩眼已搞心如搗寂寞無人慰索居此生向誰開懷抱南隣北舍斷登音一逕荒蕪曾不掃時危世難屬茲辰知君此去蓬萊島俯視人間若醯雞三千珠樹長春好而我如今已衰白寓形宇內能久保他年會乘莽渺鳥相逢一笑天地老

從軍行

金孝一

丈夫重功名由來意氣豪千金買寶刀七尺輕鴻毛唾手望胡天寒光生戰袍黃雲壠底青海邊一身轉戰今幾年涼秋八月塞草腓羌笛一聲關月懸李廣

那知竟不俟歸心日夕看刀頭漢家拓地成何事惟
見蒲萄隨遠使

古木蒼鷹圖

崔大立

雲崖老幹苔痕濕劔翎歛向雲頭立欲飛不飛膽氣
豪側目下視平原綠兔穿三窟縱難圖狐老千年猶
可搏紛紛黃雀誰汝取驚飛謾自投林薄

風中花

風中花何飄揚東家離婦怨阿郎阿郎薄倖奈婦何
恨郎不如風中花花飛繞樹似戀枝阿郎郎出門行不
遲

子紹示余以所贈鄭生惠而放歌行一篇悲鬱
可愛作此以答之

阿紹為詩好長句新作長歌贈鄭生交情綢繆寫不
得作意一試驚人鳴乍如林鶯解求友嚶嚶枝上傳
春情又如空谷之幽蘭郁郁馨氛徒自清颯然回颺
調轉急冥冥紫海秋濤立鮫人欲別淚迸珠江娥慙
怨琵琶溢擊節高唱韻飄渺若斷若續離復合妖魔
聽之走且伏真宰如知妬還泣紹也白皙美少年荆
山醞藉靈蛇姿出門短衣不掩胷具眼何人識瓌奇
鄭生驪珠出滄海怪發塵函光陸離徃徃見珍不足

誇美價長思售波斯天教二子生並世有似牙絃逢
子期如君二子豈多見盛時陸沈人共悲以茲悲歌
亦所宜我有一語君聽之丈夫七尺長存三寸在咄
咄嗟嗟亦奚爲君不見朝歌屠中鼓刀叟八十年來
空白首一朝起作周王師黃鉞白旄揮兩肘又不見
楊家小吏職監狗茂陵國士時奔走子虛賦就吹上
天武帝津津不容口昔人好事今人傳今人亦有昔
人賢莫歎鹽車困騏驥行間亦有孫陽憐青萍長價
風胡子千秋合有真知己况今吾 王宵旰勞張羅
草澤羅英髦天生二子者才詎徒然莫言大業非吾

曹安能長使詩窮人閉戶吟作飢鳶號

述感示崔梁二生

滄海朝聞清淺流高陵暮見谿衍谷人生有涯孰敢
逾頭上日月雙轉轂况彼人自觸危機渠輩安能究
殊福鄧氏爐中鑄銅山條侯府內餘紅粟安知倚伏
真難量一朝同歸餓鬼錄前車旣覆後車戒後車幾
多仍競逐君看昔日紈綺場卽今野豎來樵牧人心
豈但惡驕盈天意由來好反覆我今委之命而已一
飲一尊歌一曲此意惟許二仲知日來三逕看松菊

艷歌行

招代風雅卷之二

六

東隣少年誰敢望二十新拜尚書郎姻婭奕世聯椒
房金穴銅山誇富強連雲甲第繚粉墻水晶爲簾文
杏梁外廐良駟駢乘黃曲房艷麗羅姬姜庭前嘉卉
蔭芳塘七十二雙文鴛鴦撞鍾擊鼓宴金張累日歡
娛殊未央盤堆紅縷膾伊魴釜泣玉脂烹官羊黃封
不須賜碧香自有千斛崑崙觴笑彼西家寒士守書
床日晏未厭糟與糠不信滄海生野桑但惜白日濛
汜光

效白紵詞

妾衣白紵衣爲君舞白紵玉龍騰驤珠鶴舉飄風回

雪無定所露灑遙飛琥珀光月華半墮珊瑚樹如推
若引低復昂似畱欲往疑且翔迴波送臆流輝光歡
情未歇夜未央爲君再作雙鴈行明日思君江水長

無題

簾外春風芳樹綠相思何處人如玉瑤絃別後掩素
塵今朝才埋離鸞曲離鸞聲苦那忍聽不及樹間雙
飛蝶雙飛蝶夜夜雙棲芳樹葉

寒夜詞

繁霜降今夜長壁釭寒今無光風淒淒今舉帷月皎
皎今照床我所思今不在茲處幽獨今誰與將仰視

天兮沈寥列宿燦兮成行惟牛女兮何辜隔銀河兮
相望思凌風兮身無翼若爲相從兮翱翔徒引領兮
太息涕浪浪兮沾裳

次龜谷韻贈鄭惠而

金忠烈

漢唐以後作者少郢音久絕陽春妙鄭公大才繼國
風硬語驚人鳴絕調寸莛不敢撞巨鍾管見何能窺
未照騷壇從此壯麾幢島瘦郊寒真可笑可壓大曆
十諸子咳唾一一瓊瑤字一回披讀三歎之滌煩似
飲天池水如我樗散知何用附驥追隨亦幸爾契託
松筠意非常歲寒何有於雪霜看君倚醉騁雄詞筆

底波瀾連混茫野醉山吟逸興存遍尋雲嶠與煙村
清遊付與一藤杖萬事都憑雙玉尊厓翁疇老好風
流已作地底冥冥魂舊遊陳迹倍怊悵可惜餘生如
朽壤屈指來今幾歲月得酒莫辭頻相訪

天山鉢花歌

石希璞

天山之南雲常集中有奇花人不知綠莖嫩葉好容
姿異香騰微颯秀色媚春景葉大花小擬桃杏我欲
移根植公府惜其生與衆草伍嗟爾何失所獨芳不
爲人所賞窮山四節委風霜可憐鳳闕去路遠未得
折獻于吾 王仰看白日空感傷

寂照菴賦得天摩謹

崔承太

平生遺世志落落無所羈手携桃竹杖口吟天姥詩
久聞天摩雲水窟思欲一見窮討披今朝來坐寂照
菴清都物色呈臺絲文普清涼勢孰當菩提法聖雕
剡奇西南蘿月並天峰雄作門關不易窺羣峰羅立
碧相連龍奮虎躍爭追隨宛如趺坐會僧佛飛來或
恐移須彌鍾簾儼國器劔戟威豹影逶迤展彩屏突
兀豎豐碑巧歷不可窮丹青難庶幾天香靈鷲想何
如赤城霞標徒爾爲丹崖翠谷蓄靈氣雲臺石蓮光
參差巖房石髓縱如鐵古澗應長三靈芝悵望風飈

那可躡願接神仙冰雪姿嗟吾白髮已千丈山僧拍
手歸來遲雖然琴心昧三疊空門庶可依慈悲夜深
山窻語三車簷前月色堆琉璃丈夫安能折腰走俗
塵山中風月可以長遊嬉

塞下曲

挽弓挾槩馬上飛探穴生擒虎子歸紫髯碧眼何昂
藏萬人辟易方覺稀歸時白龍堆下雪朝來猶濕黑
貂衣

次洪道長朴淵韻

我昔飛上天摩峰兩屐踏破千芙蓉下飲神淵萬古

清脫冠濯髮銀河傾輕珠跳石散飛沫雄虹跨壑電
鞭掣白日雲氣隨飛龍龍鳴風雨忽起千崖中聞說
鞭龍事可怪靈幹氣槩天地隘蝦蟇小物何足道遺
血點石千載快古事流傳摠虛語但見飛泉百丈許
日不可窮劫難涓不知真源活水來何所即看洪崖
傑句可敵廬山筆安得與君再向淵上遊

明月篇效初唐體

美人含笑出洞房明月流輝照金塘金塘碧沼泛清
光楊柳芙蓉沾露涼芙蓉楊柳幾斷腸空教月照珊
瑚床此時望月夜未央此夜相思關塞長良人塞上

憶故鄉少婦閨中夢沙場春去秋來意難忘鴈度螢
飛年貌傷昔年對月羅杯觴共君不美雙鴛鴦杯行
逶迤月入廂寶瑟淒清激金商東城南陌轉銀潢桂
影金波繞鳳凰鳳凰樓高出雲傍五侯七貴連畫堂
今夜對月君遠方正如牛女遙相望牛女隔河河無
梁夜夜淚濕雲錦裳河邊七夕烏鵲翔樓上三更獨
彷徨彷徨露氣濕蘭芳夜夜孤眠廣寒孀班姬團扇
憶昭陽趙女歌舞侍君王昭陽卷衣近御香長信掩
鏡啼殘粧可憐月色動天章可憐恩愛隔宮墻誰家
搗衣思自忙何處吹簫響飛揚玉簫清歌雜笙簧翠

蛾嬋娟映鴉黃輕身起舞舞金步障羅袖翻風搖明璫
誰知征婦把筐箱愁聽月色啼寒蟾

壯士吟

樽有數斗酒試爲壯士吟少遊圯橋上黃石知我心
西登碣石望龍庭北入燕市問荆軻悲風蕭蕭白虹
寒感慨猶聞易水歌歸來欲叩閭闔門天關白日飛
電光將軍拜驃騎丞相宴金張叱咤雄風生英名動
四方黃河千丈向身瀉泰山不難移座傍白壁黃金
用如土賤士不得沾糟糠毛公一薦定從約碌碌餘
輩何足比古來笑自薦何以圖遠事千里馬飢思芻

豆龍泉未試空雄壯長嘯出門歲已暮秋風歛起洞
庭浪壯士吟聲正悲盛時一去復何爲

題華山記興後

庾纘洪

文殊普賢屹相向上有層臺高萬丈臺高萬丈不可
攀城中咫尺空悵望一讀騷翁華山篇古窟宛然來
眼前蒼厓龜谷骨格殊定知化去爲神仙神仙不老
山長存相與笑傲於其間我願從遊二老後一去寥
廓不復還

歲暮行

李得元

逝水東流日西馳歲云暮矣壯士悲壯士悲惜暮年

慷慨長吟北風詩北風吹雪入簾幕雪花數片當床
落床上有書聖賢傳匣裏有劔蛟龍鈔書兮劔兮爾
何用我今蹉跎頭髮白頭白志不衰慷慨終永夕千
林蕭瑟暮聲起朔氣慘慄寒凝積歲云暮矣愁轉多
欲回陽春奈老何

題雪蕉子華山行後

太華三峰高挿天萬古秀出芙蓉色人攀芙蓉豈易
得削壁不到謝公屐上有玉簫仙鶴通天路下有琳
宮梵宇闕淨域安期美門或可期金粟曇摩猶可覓
雪蕉子愛山水前身定是牧羊客手持玉杖登雲梯

習習天風生兩腋俯視塵寰等蚊蚋仰捫參斗如咫尺
朝遊蓮岳暮霞潭上山下山隨孤鶴飢食采靈芝
渴飲漱瓊液歸卧丈室內道氣濃几席邀我示之步
虛曲此曲無乃天上樂數幅蠻牋白於雪奇辭健筆
皆騰躍粲如飛虹散秋天雄如雷霆奔巨壑危嶂仄
石儼森列翠崖丹谷杳冥漠雕鐫物像奪天造神鬼
撇揆啼暗壁淮王桂樹不足詠孫公詞賦還寂寞夢
遊莫誇天姥吟壯觀今見華山作昔年我亦遊此地
雲臺石閣遍登陟當時同賞復幾人太半零落蒿里
宅流光逝水遽如許往事悠悠山月白長嘯望青山

山色同今昔携君衣袖唱君詩欲向山中尋舊迹須
騎白鹿蒼崖間且謁虛皇香案側不然輕舟短棹泛
溟渤直帶長風隨所適安能鬱鬱老阡陌坐使韶顏
凋丹渥君不見青牛道人出函關紫氣千秋橫寥廓

倭躑躅歌

金富賢

躑躅花別有倭躑躅花色絕奇誰與同玉女機頭千
縷絲織成錦紋堆猩紅明似春山騰火焰絢如晴空
散彩虹如此奇花世未見論價百金寧爲豐城西王
孫愛花草輦來異品庭宇充其中躑躅作冠冕數株
壓倒凡百叢牧丹繁華愧爲王海棠佳麗甘作僮

腮灼爍倚彩霞暖氣馥郁承和風能將穠艷續餘春
照來一院光玲瓏旭日流輝塵不飛徒倚欄干見仙
翁仙翁風味自蕭灑不用歌舞與絲桐一觴一詠每
於斯佳期只在花蔥蘢公有憂心花下釋公有樂意
花下融噫花莫誇好容顏培養向來恩頗隆不獨花
也人亦如知己難忘德義崇遭逢卽知賤者榮落拓
何論生事窮我到花前陪杖屨花應知我此心衷但
願花兮長春不知老日開千朶萬葉呈我公

秋夜長

八月中秋夜正長愁人不語坐高堂高堂寂寞空簾

閉中有一燈照我床窗外有時度流螢草間無數啼
寒蟬月黑雲沉雨氣垂高梧撼撼風更涼三徑蕭條
物色殘可惜蘭杜凋綠芳青春榮華不可保歲月如
流何太忙伊昔我是朱顏子何期白髮今如霜男兒
老去無所用坎軻落魄徒自傷平生志氣憑尺劍遲
暮生涯對書囊南隣少年不解字安居華屋厭膏粱
請看自古有道者多在蓬巷食糟糠人生窮達故如
此此理悠悠安可詳無人聽我秋夜吟且盡一尊澆
愁腸

題李士春南行詩後

洪世泰

李子自嶺南示我南中作是何筆力雄且奇一唱令
人壯心魄君不見伏波營臨漳海邊陳琳草檄佐戎
旃鍵閉諸蠻作雄鎮鎮前常有下瀨千艘船巨浸東
南莽空濶乾坤盡入鼉鼉窟扶桑半夜海色動萬頃
波濤浴紅日青峰數點隱映杳靄間云是六鰲頭戴
蓬萊山有魚化爲大鵬起鵬翼搏風風擊水扶搖直
上九萬里此時逸興凌海岳廣陵觀濤徒爲爾吾知
子之胸襟洗濯不滯芥不然文章絕奇何以能到此

大關嶺

白頭山自北極來千里南奔結五臺五臺邈迤東際

海大嶺崛起何崔嵬天作重關限東西行人到此愁
攀躋連峰直上鳥道懸我馬忽在雲中嘶是時春寒
大雪後雪没人膝數尺厚猛風刮地聲吼怒觸碎山
石石亂走松濤澗水振巖壑勢挾雷霆鬱噴薄傍人
向我指空青云此是東溟俯視不可辨雲海浩冥冥
鬱陵之島在海中天晴或覩多晦濛願呼羲和日馭
出大明照臨天下同關山一何險遠遊良亦苦吾將
詔夸娥剗却爲平土然後不令行旅更登山坦步日
夜相往還

三清洞歌

白蓮峰作龍虎盤中有三清古玉壇壇前鬱鬱松樹
林洞陰六月靈風寒少年携酒此來往與遊者誰皆
吾黨蕉翁落筆雲煙動林老放歌巖谷響數十年來
非舊觀萬松濯濯偷斫殘坐令神岳日憔悴骨立雲
根剝蒼翠小民干法不容朱直恐元氣終凋枯哀壑
無光水流急山鬼谷深風號呼同遊故人復誰在獨
見青山今不改人間俯仰已如許滄海桑田豈虛語
欲飛不飛松上雲知我此懷惟有汝

鐵車牛行

大車彭彭服兩牛前牛後牛皆垂頭牛罷車重行不

得十步之內五步休借問車中載何物官家鑄錢須
銅鐵此鐵由來出南蠻萊州大商緣其間滄溟萬舸
簇蝟毛釜山掛帆來龍山長安六月烘如火鐵車相
連北山下將軍幕府壓山谷萬夫橐籥張爐冶爐中
一日得千萬鐵貨更與萊商販萊商日富錢日賤九
府何曾救人困還聞細民竊爲幣往往私鑄干邦憲
官家養牛亦有食車丁歲饑分牛飯我謂車丁鞭莫
疾牛蹄蹶今車軸折車軸折尚可牛斃不可說弓牛
之角甲牛皮官家鑄錢何時畢

板池怪石歌寄蕉窻

突兀一拳石遙含萬里意盈盈板池上森列九峰翠
九峰低昂面勢同水脉包絡巖頂通上有雙檜根着
危虬枝屈曲皆倒垂豁訝嵌竇水吞吐魚伏黑處時
可窺我得此石如在野令我心神日蕭灑斡旋天地
四壁內疏鑿江山一床下微茫太湖濶隱約蓬島小
時看明月來靜夜每有白雲生清曉聞道君家亦有
此獨少青巒照秋水誰知大觀無是非不分須彌與
芥子

清潭歌

三角之峰何律兀白雲仁壽寂奇拔山根有泉來太

古厥源泡泡自北出雙流直下決兩峽壁立川回水
爲一激之爲瀑泓爲潭巨石橫巨玉斲巖上有飛閣
樹杪懸崢嶸北對靈臺庵是時秋霖洗寥廓坐臨百
泉爭一壑蒼崖衆木垂積陰白日風雷鬱噴薄向來
塵土暍歎人無限清波一疏濯林深不覺山月昇幘
影微看水中落笑呼二子指明月月色潭光相照澈
山空夜靜星斗低但聞石間鳴珮玦恍如軒轅張樂
臨洞庭引商刻羽響噲吟我有高歌一和之此曲彷彿
遊仙行忽覺天風吹滿面卧看落月西南傾

古劍篇

我有古劍長尺餘其身雖短氣赫如直疑出自鄧獄
底龍光猶射斗牛墟邇來閉匣三十霜苔蝕塵埋久
晦藏家人小兒視鉛刀委擲不復心在亡我謂神物
天所惜濯磨雪鏑金爲裝秋濤掛素壁隙月流精光
提携不離身呼爾作歿友嚴霜裂石天氣勁隱隱卧
聽龍夜吼龍夜吼聲正悲平生恨荆軻擗柱徒虛施
坐令羸兒帝天下不及當時屠狗爲嗟爾得我那得
重猶幸不爲割雞用且須深藏待千金會有天子爲
大勇

北風行

北風刮地吹飛雪火井作冰堅似鐵坐令天下怨苦
寒行路相看骨欲折爭言比歲無此寒怪來數日何
栗烈君不見白頭之山高挿天胡兒萬騎踏山裂朔
氣直射千里來乃知此物常帶殺東人閉戶但深卧
日出天闕北風絕一作寄語吾民且莫畏東風來時北風絕

金孫歌

先王嘗於宮中畜一猫名之曰金孫盖宮中舊
有唐猫此其孫云及先王上賓金孫若有
知者遶殿哀號不食十三日竟枯瘁而死
大妃命裹以綵帛瘞之明陵路側噫異哉猫

也鄭潤卿大奇之爲作金孫歌及序以紀其
實要余和之余不覺竦然起歎按其辭而效

嘯云

金孫爾金孫爾祖初從薊北門來入王宮作靈畜
寵養三朝受異恩金爲質兮虎爲文錫名盖自先
王云天生捕鼠百中能乃知趨捷出其羣至尊愛
之常左右呼爾金孫輒昂首朝餐玉食餘夕眠金床
側周旋不暫離願言殫心力白日殿陛立突兀上林
千樹惡鳥絕一朝官車奄上天八域雷號山谷咽
金孫躑躅哀鳴若有知狂走不食十三日毛焦骨立

形慘傷爲君一死何其烈 慈殿聞驚六宮嗟宮錦
裏首光紛葩鸞峰松栢鬱蒼涼瘞之故近 陵路傍
玉馬夜嘶雲旗閃彷彿宮中奉 君王金孫爾歛恩
微物亦三良我民孰非蒙 至德於戲 先王不可

忘

豐峰 陵
近峰名

貞谷臨帖歌

貞谷李
壽長號

孔門書居六藝一 至理所寓非凡術篆隸以來凡幾
人獨有鍾王聖於筆學者師法猶仲尼妙處堂壺罕
得窺吾觀貞翁業最精童習白紛猶臨池有如臨鏡
寫西子了然毫髮無參差往者 先王特宣召御屏

寫進嗟其妙錫以上尊兼細統小宮得此何榮耀漢
陽城中十萬家碑版如雲走老少此帖尤覺逼二王
下與石峰堪鴈行我聞燕京宮闕九天上萬里山河
帝居壯八方雲集人海沸此是中華大氣像又聞日
本東海富士山六十洲島錯其間高浪感天魚龍怒
百怪出波連諸蠻君於二者得壯觀歛覺有氣來筆
端故知臻妙乃如此誰謂得月初因措但恐世間多
肉眼且莫輕投示俗子

客中吟

三五
七言

石萬載

關月明塞雲橫相思人不見永夜夢難成時抱瑤琴

大昭代風遙送之八

十一

彈一曲獨憑絃上話愁情

昭代風謠卷之八

昭代風謠卷之九

附錄詩話

趙崇禮

古人云名下無虛士信矣近世洛下巷居之士以詩律有名稱者多間或祖述前賢之句而步趨不窘者亦有之而評詩者忽其人地之微而不肯許可良可慨然趙崇禮者嘗有晚眺詩其一聯曰江濶鳥疑飛不渡天長雲欲去還留頗近自然

朴成原

朴成原醉鄉詩曰長庚既達千鍾聖屈子難窺數仞

牆甚巧

朴思英

朴思英大言詩曰朝發蒼梧鞭紫電夕歸玄圃御冷風似佳

金千長

金千長驟雨詩曰簷溜狂噴爭石竇井梧驚沸戰風天

白德潤

白德潤聞遂詩曰一曲梅花來病枕十年心事入酸吟

金繼南

金繼南字嗣宗其詠雲詩曰觸石等閒莊壘嘯從龍頃刻遍長空

吳世俊

吳世俊曉行詩曰霜橋馬跡交人跡月店雞聲雜犬聲

又如朴繼姜之宿山寺十丈佛圖垂壁面千層塔影卧庭中李精之送四皓白駒入谷誰能繫丹鳳凌霄不得攀皆其警句也余失步邯鄲未窺唐韻而和友作湘潭夜雨漁燈炯炯猶能見斑竹蕭蕭不可探許

荷谷批云清逼甲唐未知何所見而然也深愧夫右
錄之實才矣以上出鄭致
櫟軒雜記

徐起

徐起字待可號孤青樵老利川人祀公州孔巖祠朴
守菴枝華所撰墓碣銘曰公幼而知讀書七歲學于
里中書堂書堂將罷公作詩呈于其師有書堂長勿
毀使我學聖賢之句師嘆賞知其非凡兒也母嘗疾
病垂絕公斷指和藥以進母復甦時公蓋年未十歲
矣稍長益力于學百家衆技之說無不涉獵尤慕禪
學年二十餘始知吾道之正盡棄其學就李履素仲

虎之門受大學中庸等諸書後卜于公州雞龍山孤
青峰下孔巖之洞家焉州之士莫不敬畏而尊師之
來者日益衆居是十八年沉潛經史訢然樂而忘食
未嘗以外物營其懷末年所得益益高明矣萬曆辛
卯以疾終年六十九銘曰噫待可生吾東少也賤老
益窮劬墳典資厥躬授門徒正養蒙孤青峻錦水空
有二樂保始終山有月江有風一片石表幽宮

姜亨脩

姜亨脩者市井賤人也有詩曰開門三尺雪隔屋五
更雞又曰禁鍾寒翳雨宮柳晚生煙出文簡公李睟
光芝峰類說

按亨脩字子衢號樗陰有能詩聲與蒼厓崔大立龜
谷崔竒男菊潭金孝一等相友善龜谷贈以詩曰樗
翁好古人寄市爲跡者君平事賣卜叔夜隱小治末
事不足悲榮名誠外假所寶或不然衆取而獨舍和
光义陸沉孤標自瀟灑往往唾醉墨峻整逼騷雅貧
賤易肆志萬事看野馬達人去已久此道知者寡

表廷老

表廷老新昌人萬曆年間往迎天使於灣上使乃南
方名士自負其文章謂東國無敵及到良策站食銀
杏而書一聯曰銀杏甲中蔽碧玉令廷老請遠接使

續對廷老卽前書示之曰石榴皮裏點朱砂天使大
驚稱贊以爲通官尚如此遠接使尤不可輕視官至
崇祿知樞儀表秀傑人皆敬之

張應仁

張應仁仁同人風流豪俠且能文筆解華語萬曆癸
未年間差義州譯學訓導牧使月夜與之上統軍亭
呼韻限以把酒未冷應仁卽賦呈其一聯曰人倚北
樓秋萬里鴈橫西塞月三更官至通政

以上出通文誌志

安震柱

安震柱字君平武人能詩其任仁遮外萬戶也以土

產鬱抑魚送于孤山尹公善道謫所仍寄詩其一聯
曰地號仁遮風俗薄魚名鬱抑客懷同土人至今傳
誦

金鼎泰

金鼎泰家君

領議政藥泉南公九萬

陪吏也庚辰春往拜琵琶

潭路中值雨有詩曰蕭蕭寒雨裏孤客渡長川路滑
人登岸橋崩馬踏田頗佳

出南公鷗鳴晦隱集

郭自完

郭自完字汝厚玄風人性疎濶外似質朴而口訥其
中之聰明好文人所不及一生以通博吟詠從事家

甚清寒聚學徒課學資生而終焉嘗有洞庭秋月詩
曰碧天寥廓月輪明楚岫風高落葉聲一帶澄江正
如練玉簫何處動詩情

朴必華

朴必華字而叔密陽人嘗於客中記夢有詩曰客窓
寥寂夜無風萬事都忘一枕中覺來記得遨遊處大
海之南法浦東

鄭行百

鄭行百字孝源號愛日堂河東人譯官能詩嘗從柳
下洪世泰受學及其歿也過柳下舊居有詩曰名畱

大昭代風謠卷之九
五
捉月後宅古浣花東門巷餘衰柳溪山有暮鴻

昭代風謠卷之九終

昭代風謠拾遺

崔承胄

字子震奇男之子

崔爾泰以下七人

已見

黃宅厚

字子和昌原人

雪夜感懷二首

崔承胄

雪晴庭畔月正團草屋蕭條夜色寒香盡博山孤枕
冷夢回虛幌一燈殘

窮陰漠漠歲將闌惆悵愁懷不自寬漏斷重城千籟
靜客憑虛閣一燈殘雲晴古木風聲急雪滿空庭月
色寒萬事傷心身欲老百年人世足辛酸

自清凉將向水石亭少憇

洞天斜日下孤城驅馬松陰倒石亭一杖往來何所得百年愁醉至今醒

遊大聖山

路抵青山幾曲溪岸花汀草亂蹄蹄雲深院落無人過林外幽禽盡日啼

丁丑閏三月三日

歲丁丁丑閏三三天許騷人盡意酣芳草踏青曾洛北落花浮白又城南煙籠柳陌鶯方選泥滑芹塘燕數啣九十韶光成百廿春愁春興揔難堪

送李秀才歸驪江

洪世泰

送君驪江去立馬雨中語清心樓下柳昔我維舟處

蒲月臺歌

蒲月臺前落木秋西風殘照使人愁山河氣盡姜邯贊日月名懸鄭夢周

正月晦夜雨

春陰苦多雨滴瀝小燈前正月餘今夜衰翁甚去年獨吟山悄悄幽意水涓涓似欲催花事東風爾亦顛夜與驪牧趙令公別乘小艇向甓寺投宿

南樓別意悵回橈甓寺東臺路且遙隔岸疎鍾來半

夜叅雲古栢自前朝江從絕峽爭奔放月與孤舟一
動搖到寺不知天欲曙塔巔巢鸛響層飈

歲暮

歲暮窮陰卧海濱閉門懷抱欲誰親身同短日當南
極心與羣星繞北辰天下難爲蔚山客舟中不見漢
陽人青燈半壁還今夜風擊濤聲似鬼神

秋夜卽事

任璜

空堂坐悄然風雨二更天木葉夜應盡菊花寒可憐
百年悲客裏千慮集燈前孤鴈兼雙杵如何又枕邊

武溪村早起卽事

黃宅厚

幽人夢罷西峰月步出山前岸角巾隱隱鍾來何處
寺冥冥花發古臺春

奉別澹軒

李公夏坤金庄之行

會偶初黃鳥分携忽暮蟬秋風吹嫋嫋匹馬去翩翩
碧沼荷猶淨晴天月可憐留君嗟未得心緒却蒼然
清泠軒夜集

此意非塵俗高樓對遠岑涼風遺暑濕清月破雲陰
計拙還爲吏家貧尚有琴今宵興不淺吟嘯到更深
暮投露積寺

山遊不覺遠歸路忽蒼茫石澗淙淙響巖花寂寂香

鄭 佖 字子儀 晉州人

朴 玲 字君哲 密陽人

秦益重 字大哉 興社子

鄭敏僑 字季通 號寒泉 昌山人 司馬

權 衡 字子均 安東人

金尚洽 字仲決 全州人

李聖坤 字大有 號獨醒 齋楊山人 以孝友高潔聞 年二十沒

附錄詩話 四人

高斗杓 金泰奎 劉光澤 朴時郁

昭代風謠別集目錄

昭代風謠別集

五言絕句

江上吟

李廷俊

移棹泊煙渚 清江細雨時 此翁有心事 只許白鷗知

詠菊

崔世衍

去年籬下菊 今歲又開花 對此還多感 浮生鬢已華

玉女潭

金萬最

放馬青草上 閒坐溪邊巖 溪邊多松桂 影入玉女潭

登西城

城上月初出 城下千家村 遠燈人不見 喧語暗中聞

題柳下亭

隔屋多禽語山家春意幽送客柴門掩月明溪流

對黃花述懷

安承廉

蝶周吏隱際畢竟我為誰每值黃花節空吟歸去辭

秋曉

高時彥

山雨入空庭寒聲五夜竟曉來催攬衣欲問黃花病

山齋夜吟

朴 坰

皎皎月侵床蕭蕭風動竹幽人意悄然獨夜寒齋宿

宿村庄

夜向茅亭宿暗泉鳴石根主翁觀稼早曉月出柴門

宿重興寺別館

曉起僧猶卧開門月欲低蒼蒼遠峰色何處子規啼

西湖卽事

秦益重

落日西湖遊溶溶天際水隔岸兩三家漸入暮煙裏

雪後卽事

白髮羞看雪終朝不啓門家僮疑我病窗外問寒溫

別叔氏歸路口占

鄭敏僑

柴門相送別此意正如何立馬遲遲語斜陽照亦多

石湖亭

金尚洽

十里石湖邊孤亭立翼然菰蒲寒影動知有釣魚船

六言絕句

高山村早發

金萬最

殘星欲沒未落細路似斷猶連數聲鳴雞何處一點
松火山前

七言絕句

四月一日

玄復泰

天機袞袞逝如斯昨日春歸醉不知今日春光何處
覓殘花依戀老夫詩

元夕

崔世行

紫陌春晴月滿霄九門仙漏夜迢迢可憐多少繁華

子踏遍長安十二橋

黔丹村

金萬最

百畝良田千柿園桑麻繞處散雞豚已知衣食可終
歲願得賢師教子孫

題畫

覆逕春陰過午天困來休耜旁牛眠農家夢亦田間
事不是燒原是引泉

春帖子

林時英

報道春恩應律宣一壺迎接臘梅邊兒童拍手相傳
笑未到花時醉老仙

召代風雅別集

三

幽居

掩門鎮日醉忘機不省人中有是非春鳥一聲驚午
夢綠楊如畫雨霏霏

秋夜

朴玲

西風吹動碧梧枝落葉侵窻夢覺時明月滿庭人寂
寂一簾秋思候蟲知

申直長書齋

憐君多病卧煙霞閒檢仙方學煉砂山客欲歸山雨
至晚風吹落海棠花

駱山王子舊宮

古槐衰柳悶樓臺往事繁華一夢迴門鎖夕陽秋色
裏鄰兒剥栗毀墻來

竹山途中戊申

蕭條行色竹州東只有腰間一劍雄閭里無人煙火
絕桃花落盡亂離中

江倉

蠶頭江水接龍洲逆浪風生似倒流泛泛輕鷗元自
在夕陽門外繫漁舟

過檀村記所見

鄭敏僑

問爾收秋幾斛多收如金玉用泥沙東村送葬西隣

會無復春來可種禾

偶吟

權衡

流水柴門芳草多
午雞春杵野農家
幽禽喚起煙霞
夢竹塢深深山日斜

五言律詩

北里茅堂送秋與李子常恒裕金子和尚減共

賦

崔世衍

久坐東籬下黃花且白頭
論詩逢舊友把酒送殘秋
城市無閒事山家有勝遊
浮生饒醉興此外更何求
曉發深源寺

金萬最

山中三日飯春菜足香薇
古殿燈初寂晨扉客欲歸
留僧花下久聽鳥霧中稀
出谷鍾聲遠回看但翠微
吳學士有劉村隱旌閣詩遂次其韻

高時彥

大北皆無母唯公舍肉人
孝忠扶世教詩禮動朝紳
齟齬能為子蓬蒿亦有臣
百年修廢墜朱額里閣新

新正次下文憲煜韻

青陽除客歲白髮卧囚山
雪盡幽燕外星回嫩訾間
無玉猶夏建有北亦春還
栢酒何人餽烏蠻晝掩關
別洪舜舉驪州之行

韓興五

昭代風流集

五

雨歇茅齋夕蕭蕭歲色闌故人歸峽裏微月出雲端
鴈帶西風疾天連北斗寒祗憐孤燭在相守五更殘
清風溪得深字

一洞煙霞裏巖泉自古今遂令吾輩坐仍憶昔賢心
百世清風在孤亭衆木深細斟還竟夕聊且寄長吟

德池鎮漫吟

鄭 佖

百年多病客千里獨遊情稍稍村畊起悠悠野望平
孤煙通海色暮角咽邊聲白髮如春草難禁日日生

又

山雨夜來歇柴門絕點塵短簷偏受日幽鳥各鳴春

澗曲涓涓水沙邊歷歷人東風吹不絕興入柳條新

感懷

秦益重

永夜悄無寐沉吟獨倚櫳涼風疎雨後微月淡雲中
亂響來隣杵寒聲度塞鴻孤懷轉搖落殘燭一衰翁

俠客行

烈士死知己荆卿劍已磨燕臺罷華宴易水動悲歌
遼塞陰雲合秦宮殺氣多一歸仍不返千載使人嗟
七言律詩

送人遊金剛山

玄復三

謝朓詩囊太史蹤出門長嘯氣如虹杯看碧海三千

里袖拂青霞萬二峰王子舊樓蟾影冷永郎遺跡鶴
聲空仙山未見頭先白美爾飄然駕竹龍

和杜工部別詩

金萬最

垂老相離倍斷魂况聞君去度荆門祇今秋入青楓
崑終古雲寒白帝墩絕塞山河千里道滿天星月五
更尊賈生不久陪宣室莫復投文弔屈原

七月夜納涼樹下

高時彥

短葛徘徊小院東驚梧一葉乍金風孤城月挂蟲吟
裏萬樹秋涵露氣中今古紛紜何日了乾坤遼瀾此
途窮家貧不恤還憂國自笑愚衷漆室同

初秋省齋小集得扉字

西城一雨捲炎歸詩會乘涼興不微忽有蟬聲生古
樹依然山色在荆扉吾人樂地樽前是世事浮漚眼
底非莫怕黃昏須盡飲送君林月有新輝

次龍生韻仍呈惠卿

長天寥濶夕煙空一陣高風何處鴻寂寞蒼山含暮
景蕭疎古木向衰翁寒蟲悲訴還燈下老馬飛騰或
夢中冉冉今年看又晚搔頭獨立意無窮

自漢江泝歸牛川

林時英

牛川歸路一帆風看遍名亭漢水東湖寺晚鍾紅葉

六明个屋詩別集
裡二陵秋草夕陽中。天浮翠黛龍門出。地拆蒼江斗
峽通。砧杵人家知不遠。煙邊指點倚孤蓬。

三三日與友人登蠶頭

年年此日作清遊。醉躡終南最上頭。白鷺飛來春水
濶。青山拱挹瑞雲浮。萬家花柳寒猶早。三月壺觴老
更優。風詠不禁狂點樂。世間餘子是公侯。

雪後

一天晴雪熨如周。奪日澄光可滌愁。神禹鑿開銀海
濶。巧般削出玉山浮。曇花普發三千界。壁月長懸十
二樓。酌彼小壘窮翫賞。不妨謂我閬風遊。

夏日

隱囊終日世情微。幽閭還如有道機。翳葉蟬鳴庭畔
樹。倒冠人掩雨中扉。千林刮目圍青嶂。一酌澆胸典
葛衣。可笑翟公非達者。門前枉恨客來稀。

冬日

自憐幻影飽甘辛。俯仰乾坤孰保真。白也好詩兼好
酒。退之憂道不憂貧。鄴城古劔干星象。火宅焦桐蓄
郢春。都謝世間榮落事。濁杯惟向雪窻頻。

客中述懷

鄭 佖

茫茫天地倦遊身。幾向滄洲問去津。欹枕夢魂孤戍

夜閉門風雨異鄉春青雲未試彈冠計白首還爲泣
路人誰是世間知己者吾將垂釣渭川濱

德池鎮與鎮將遊卧龍山

海天寥濶海雲收並馬行吟一散愁村在浦邊多黔
面客來關外少青眸鹽花被草渾疑雪水氣侵人忽
似秋喜看白鷗波浩蕩此生安得爾同遊

箕城旅舍偶逢幕嶺安萬戶夜坐話舊仍結紫
煙島卜居之約

天涯邂逅眼雙明數夜聯床慰客情鎮堡作官猶可
貴屯田檢稅是何名多君舊誼同昆季許我初心托

死生會待秋風携手去紫煙深處卧蓬瀛

閔漬庵

鄭敏僑

閔漬庵樓迥獨臨樓前山色坐相侵清泉洗出皆盤
石深樹蔽來或怪禽隱約向人花有意寂寥終日佛
何心諸天自與凡塵隔收拾煙霞滿我襟

五言古詩

採蓮歌

金萬最

秋風吹鏡湖低昂湖中蓮採蓮不可遲花紅葉田田
君泛青翰舟我乘沙棠船雙雙下浦去中流共回旋
前歌聲激越後歌思綿綿同聲發哀怨羅袖翳秋天

腸逐藕絲斷淚如珠子連相思不可見回棹月妍妍

短歌行

李聖坤

志士惜日短擊壺作悲歌歌聲激且烈令人淚滂沱
涼颯生陰壑皓月照庭柯叩角齊門路驅車易水波
所懷各自異千載恨亦多軾軻勿復道酒徒且相過
誰愛嵇中散舉世皆祝鮀已矣應有定雄劔一摩挲

七言古詩

朝雲曲

金萬最

氤氳合沓春雲嬌神女雜佩振瓊瑤矜道歡愛巫山
高巫山高湘水深天空濶搖君心

關東歌

高時彥

君不見關左廣濶厥土沃六畝二升稅卽貽茫茫空
地無非田耕牧其中能饒足東市朝鮮一利窟肯持
鋤耨事齷齪歲將鉅萬渡江去半入燕市半瀋柵山
西羊毛盡冠帽青布木綿如山積一年交易數四至
輕車快馬還徃速歸來突兀大第宅左右蛾眉美衣
食聞風山西盡襁負離親射利仍土着濟民生涯亦
如此驚歎門市多奸慝一自釜倭變詐作館貨阻斷
事異昔八路礪採旣不少年年北輸公私赤罄我實
貨換虛物目前隨手孔消鑠遼民日饒我日瘠彼此

幽居漫吟

崔爾泰

雨霏霏幽人坐草堂煙裊裊博山費都梁春寂寂山
鳥語海棠身悶悶萬事如螳螂心純純物我兩相忘

次丁先達江華墩臺韻

嚴義吉

滄溟萬里望中闊保障如今復築臺霜鴈數聲橫海
去雪帆一片自天來人言往事皆流涕客對斜陽獨
把杯國耻百年猶未雪男兒到此壯心哀

蘆鳥障子

姜就周

一幅輕綃面淋漓灑醉墨蘆花秋色深孤鳥江天夕
統營水操

秋晴鯨海試開船坐見江南萬里天漆齒小夷須莫
近元戎腰下有龍泉

見蛛網中蝶挂而蠅脫有感

卓柱漢

抽盡心腸結網曾百花深處掛層層如何只取尋香
蝶不復能除止棘蠅

水橋曉行

李鼎成

嶺雪迷行路溪雲擁水橋騎驢中夜發風雨又蕭蕭
洗心亭偶成拙句示任上舍

風塵無處不啾喧泛宅浮家入海門試向洗心亭畔
過暗香初動臘梅魂

不得失可歎息嗚呼何時交市之弊一洗濯長使邊圉
自清肅

軍丁歎

鄭敏僑

朔風蕭瑟塞日落孤村有女呼天哭牛山歸客不堪
聽駐馬欲問心悽惻自言其夫前年歿夫歿幸有兒
遺腹生男毛髮尚未燥里任報官充軍額襁褓兒付
壯丁案旋復踵門身布督昨日抱兒詣官點天寒路
遠風雪虐歸來兒已病且歿肝腸欲裂胸臆塞深冤
入骨訴無地窮窘寧不呼天哭爾婦此言真可哀余
一聞之長太息先王制民德爲先匹夫匹婦無不

獲昆蟲之微尚與被矧復無告吾惇獨朝家設法本
有意簽丁要使軍伍足法行之久弊反生邇來最爲
生民毒丁男有限色目多遂令搜括及兒弱縣官惟
知畏上司利已寧復恤民戚只存虛名混侵虐白骨
之徵尤爲酷八域同疾民半歿如汝幾處呼天哭吾
君念此憂形言十行絲綸頻懇曲廟堂無策但坐視
已矣此法無時革爾婦且莫呼天哭呼天從來天不
識不如早從黃泉去鬻體之樂樂莫樂

附錄詩話

高斗杓

昭代風雅集

十一

高斗杓字運元開城人性耿介不俗好學尤深於易
洞曉微奧大爲當世學者所推誦稱之爲孤青後一
人云每以爲吾道淵源在於一敬字好讀心經近思
錄等書心體而力贖之平生景仰退栗手遺卷不置
讀太極圖說至中正仁義之說未嘗不沈潛服膺其
疾革也屏婦人正席而終亦可見平日操存之篤也
懿陵因山後有詩曰 龍馭賓天杳莫追鼎湖弓劍
尚餘悲回頭豈忍瞻雲闕哭向蒼梧血淚垂

金泰奎

金泰奎字聚五藥城人早沒嘗有田家卽事詩曰春

林布穀啼甘雨滋野田老農不違時薄言向東阡耒
耜力已疲遂枕短蓑眠崖口上初月林梢泫夕露起
來倒騎牛曖曖田間路吾廬看漸近妻倚門前樹

劉光澤

劉光澤字雲卿江陵人好學能詩嘗題貧家女詩云
拾穗山田薄暮歸穉兒匍匐啼柴扉吹火濕薪煙不
起夕餐還到雞鳴時蓋於途中宿村家記所見者也
其遊文殊寺詩曰古寺來尋一磬鳴樹陰濃處午風
清老釋不知山外事眉惟對法華經頗近自然

朴時郁

昭代風謔別集
朴時郁字文哉嘗隨相國趙公道彬赴燕於途中見
臘梅方開賦詩其一聯曰北塞未傳千里信東君先
借一枝春一行皆閣筆

昭代風謔別集終

昭代風謔別集補遺

韓後信 字君實號象谷
清州人僉使

柳東陽 字茂伯文
化人醫員

金裕噐 字大哉
南原人

玄德潤 字道以號錦谷川寧人以譯官塔至嘉善
有孝行擅筆藝累得千金散而周兄弟至
沒家無餘財嘗以釜山訓導瓜期滿而萊伯以
其稱職啓聞朝廷加雷一年前前後十年間奉
公惠民頗有聲績邊民追思立碑書以待人
以誠接物以仁功大關防惠洽鄉民十六字

張弼漢 字汝良
結城人

朴尚文 字子中號看雲
堂密陽人早沒

附錄詩話

金殷鼎

五言絕句

牧童

柳東陽

驅牛赤脚童滿載秋山色叱咤搔蓬頭長歌歸月夕

思鄉

玄德潤

此身難去就南北自沈浮縱是思鄉切還家亦有愁

青樓曲

朴尚文

青樓臨大道門柳細如絲上有秦家女春風獨畫眉

相逢行

相逢復相別別促語猶長離情何以結馬上折垂楊

七言絕句

辛卯除夜謹次三使相韻信時

玄德潤

瑤徽一曲響高樓萬里行人不耐愁况復南梅春色

動仙槎猶滯碧波頭

五六島在釜山

海氣陰晴雲不開奇峰五六鬱崔嵬百年天地滄溟

穩重譯常從日域來

誠信堂東萊和館

中原錦緞幾千馳轉賣東萊館市多認得蠻兒生理足百艘稊載發篙歌

月夜

朴尚文

隨興清宵坐白沙偶逢隣老話桑麻垂楊影裏疎燈
照臨水柴門四五家

五言律詩

登樓

金裕器

秋颯思鄉鬢詩清近水樓月明鷗夢穩風靜櫓聲柔
縱有江湖興那無進退憂山光錦繡裏舒卷白雲稠

釜山鎮營

玄德潤

關阨東南盡防營左右分海常多颶母天每有陰雲
粉堞叅高閣朱旗閃夕曛 聖朝警無急虛老戍邊
軍

萊山逢翼兒有懷

吾兒自洛至天外喜逢迎久作湖山別方伸骨肉情
詩將歌共發燭與月俱明欣感不須道深尊對爾傾

公山途中

朴尚文

客子凌晨發村雞月裏鳴隱林幾家住隔水數燈明
覓句人如睡驚鞭馬欲橫舟師呼不起殘角下孤城
七言律詩

判梅柳爭春戲題

韓後信

殷鼎餘生居庾嶺渭城遺種託章臺共爭春色寧相
下自許風情欲占魁不必較時先後斷夫誰容意愛

不與竹風詩別集補遺 一五
憎裁顛狂未似清寒格宜折長腰作賤儻

暮春同柳下翁遊棲雲洞 玄德潤

雲溪數曲隔塵寰着處春風拄杖閒近寺有僧供白
飯古亭無壁得青山亦知勝地非天上可笑浮生目
世間坐着殘花猶未落狂歌大醉不須還

東湖敬呈李相國 張弼漢

謝病歸來江上遊千林紅葉照深秋且看湖濶通
恩海豈有雲遮望 玉樓淡泊花香依老圃蒼茫鷗
夢傍虛舟田園縱是休閒地滿目艱虞退亦憂

附錄詩話

金殷鼎

金殷鼎家本微賤只讀史略半卷而能作詩其詠老
桐曰亭亭獨立老梧桐虛抱南薰解愠風若使伯牙
看此樹高山流水運胸中金三淵稱為絕唱正言李
公慶倬光海朝黜官北道時殷鼎以土人從公而來

因守公沔川庄舍以終云 出李公秉淵
槎川雜記

昭代風謠別集補遺終

余既叙昭代風謠主其役者又哀後歿而未及選者若干篇爲之補乞余略加刪存而識之余適有事未之省其人求益懇曰彼皆遺落家事勤一生得一語以自奇徃徃窮餓而不悔歿又不得列其名於斯選不亦爲長金積玉者所笑乎余聞而悲之名者外物君子不爲然於利則反於善則近自夫士大夫不好名不顧身後而世日卑矣彼闖闖之人乃能出利而入名輕生前而重身後何哉世恒言簪紳徇名闖闖徇利以今觀之殆不然詩固小事然亦足以觀世道遂書其語而歸之

丁巳清明翌日藥山吳光運跋

昭代風謠重印跋

昭代風謠選於

英廟丁巳距今百二十年年久散亡藏書之家亦尠蓄之者有非當日採輯之意今因三選續成之役重印若干帙以廣其傳蓋劉君在建之功噫斯編之復顯豈有待於今日歟可見

聖朝右文之化方隆於上期門羽林自不知蹈舞於下也摩挲詠歎悅對前賢光範尤所增感以有先祖遺稿略叙其槩

戊午肇夏後學完山崔景欽謹跋

